

春
在
堂
詩
編

辛丑編

春在堂詩編十八

德清俞樾

辛丑元旦

纔過鼠後卽牛前

俗傳有此語

坐對韶華黯自憐九九殘年

隨逝水重重舊夢化輕煙且將白日黃雞曲寫入紅情

綠意箋

余手製箋也

但願四方烽燧息春臺大眾共陶然

新年雜詠

皆用俗語聊示璣珉二曾孫女

恩恩短晷過殘冬又見春光檻外濃一品鍋宜除夕設
萬年糧爲歲朝供紫姑未動箕頭筆紅紙先開井口封
最是寵神迎要早迎遲猶恐太龍鍾

循例家風又一遭兩行紅燭影堂高堆盤滿滿金錢餅
釘坐團團元寶糕未免羹湯勞婦子且圖燈火戲兒曹
老夫扶杖瞻遺像回憶童時舊綠袍

今夕逢除夕開箱取綠袍余七歲時

詩也

貧家豈有買燈錢且喜晴和景物妍杯茗分持賓主柄

年家子沈芷卿自江西寄贈茶碗數枚其柄有柄柄盤有在左在右之分蓋從賓主並坐左右有手之便也

殮羅列于孫圓

粉齋不拘大小謂之子孫圓

老梅盆內香猶澁殘菊

瓶中色已薦卻爲花園安土地年年三揖在花前

花園土地

之名宋時已有之余家曲園雖小亦不容無每年元旦余必具衣冠三揖

空費寒廚幾日忙老夫頓頓是家常敝袍已染二藍色

藍色深者爲二藍其淺者爲三
藍余布袍黠敝淺藍變爲深矣
也水也余謂之三利市肉香嫌久腊
白湯最喜食之俗以豬頭祀神謂
以鹽而風乾糊塗圓好喜多糖
之非腥也吾鄉作粉資不裹餡而
塗圓子先大夫嗜之偶呈小食羣公笑齒冷人閒食憲
故至今猶必以薦章

自換桃符只幾天又看春餅早登筵盤龍饅乍沿街賣
蘇俗舊有盤龍饅頭爲過
年祀神之用見清嘉錄走馬燈俄滿市懸迎到財神
分五路剪成喜字總雙全七人八穀都經過飛帖猶煩
補拜年

春到貧家亦可誇冬青柏子插橫斜瓦盆青種萬年草

竹爆紅開百子花出釜亭糗純是糯人甌椒攪最宜茶

西湖攪勝圖猶在聊共兒童一笑譁

西湖攪勝圖見三耍

眼前景物再搜尋隨手拈來味轉深筍片層層皆是玉

筍脯中有名玉蘭片者甚佳

糖條寸寸總成金

新年兒童喜食寸金糖美其名也

紅

箋喜試新年筆

余每年元旦裁紅箋書元旦舉筆百事大吉八篆字

黃厯愁牽暮

歲心竈有送迎燈上落

十二月二十四日送竈元旦接竈正月十三日上燈十八日落

燈皆舊例也

一齊收拾付長吟

曲曲園林本不寬草堂春在未知寒盤中細搗長生果
鑪內深埋歡喜團纔攤粃盆謀餞歲又排彩格賭升官
詩成莫笑香山俗寫付重孫嬌女看

潘譜琴庶常以桃核壽星賜曾孫僧寶賦謝

巧匠雕成徑寸形鬚眉衣袂盡瓏玲幾時偷自東方朔
一夕飛來南極星何必青田求大核且從絳縣算遐齡
君今年七十三故以絳縣老人擬之衰翁手挈重孫拜敬祝先生老復丁
花農自庶子升閣學余有詩賀之矣茲以謝摺稿
寄示再賀以詩

上苑高遷出谷鶯絲綸喜紹舊家聲廿年名在八科上

君庚辰翰林至戊戌已九科矣九代封邀一品榮君擬請三代一品封誥上接文僖文穆兩

公九代一品矣自有文章稱臺閣了無災難到公卿鈔來疏稿

郎君筆其長子異日應聽雛鳳鳴名與東

正月十三夜於曲園假山上放花爆亦年例也

枝枝火樹鬬槎枒銀礫金沙整復斜天燭九龍來取水

翩躚雙蝶去穿花眼前一瞬飛如電空際千條散似霞

且與兒曹同盡興認春小坐共杯茶

認春卽春在堂後軒

余以虛名流播東瀛日本國人能讀余書者多矣

有上海領事繙譯官白須直寓書於余言曾讀余

課孫草此則可異也漫紀以詩

時論方將制藝焚科場學校議紛紛誰知地隔兩頭洞

兩頭洞乃海舉名自日本至

甯紹經由之路見圖書編 尙有人談八股文當日膝

前聊講習此時海外遠傳聞莫將覆瓿區區物了却元

亭楊子雲

日本人櫛原陳政字子德曾在余門下庚子之變
死於京師其所照小像猶在對之泫然賦詩弔之

湖樓猶記其論文頰上三豪儼對君膝下應留金瓠在

君有女尚幼

閨中已痛玉臺分

君娶西鄉氏未久偕在中華君死始歸國茫茫妻

島無春色黯黯哀邱有夕曛一樣才人來異域如何竟

不及陳芹

陳芹交南國人避黎氏之難遂來中華中嘉靖甲午舉人官知縣有詩集見靜志居詩話

盆梅盛開

衰年不是漫游身鄧尉空傳在比鄰盆內偶成些子景
堂前已足十分春有香贈我真清友無地容君愧主人

倘得白家園五畝玉鱗百樹已輪囷余每年有盆梅四五枝若有隙地栽種二十餘年來百餘樹矣

滬上有以余所製勝遊圖及西湖攬勝圖用西法

照印各一千紙售以助振者賦詩一笑

暮史朝經老亦停聊於游戲闢畦町亂鈔玉笈三山志
借用骰盤五木經只合編排成彩格豈期荷賣徧郵亭
藉輸秦粟尤堪笑可值銅錢三百青

繆悠詞

語皆俚俗意涉荒唐殊非雅正之音是謂繆悠
之說

孟姥亭邊酒一杯阿貓阿狗各投胎十方善信開緣簿
四海英雄打擂台寶塔竟將天戳破夜叉真把海壇來
隔簾花影分明看福有根苗禍有蓼

烏頭葬起一天風吹醒人間渴睡蟲買得乾魚爭死活
拖將老虎看雌雄草依兔子窠邊長水向龍王廟裏衝
莫把骨頭敲大鼓大家都在鼓當中

無端六賊戲彌陀咄咄人閒怪事多欲躲雷公偏霹靂
難當小鬼況閻羅投明有路蠅鑽紙避熱無方蟻走鍋
只有蝦蟆心不死陰溝裏想喫天鷲

花對還愁葉不當從來鷓鴣遠要繩長有鑼有鼓成臺面

無酒無漿豈道場已見鬼迷鍾進士又聞狗齧呂純陽
粉牆竟倩何人打一面須教兩面光

幾箇忙家幾會家同談苦話喫甜茶瞎跑終露雲端馬
亂打徒驚草內蛇枉費涼棚千里搭竟無錦被一牀遮
死棋盤裏尋仙著著錯還防滿局差

一陣狂風一陣煙八哥飛到畫堂前竟無大鑊煎乾海
尙有長人頂住天臂上幾曾能走馬腹中真見會撐船
何時劉海來相助腳踏金蟾手耍錢

欲憑懺懂破陰陽太歲臨頭不可當安得三杯銷塊壘
但聽兩椀響玎璫通衢大道蛇攔路白日青天鬼打牆

畢竟半斤還入兩莫將黃雀笑螳螂

燈籠黑漆太模糊六六么么信口呼即使拾回甜橄欖
終難打破悶葫蘆觀音勉力齋羅漢醜婦羞顏見舅姑
莫倚牡丹稱國色名花也要葉來扶

萬花筒裏看多時眼飽誰憐腹自飢已歎運衰常見鬼
敢期病退便逢醫金剛有力難擡理強盜何心肯發慈
地久天長只如此彩雲易碎況琉璃

分明不是蜃中樓一段風光一段愁臥榻側容人熟睡
矮簷底要客低頭戴將石臼跳難好打破砂鍋問未休
幸有肚皮彌勒大送來都向袋中收

兩舍三家小小村也將戲法教猢猻螺螄殼裏排場大
鴨鰲頭邊菩薩尊兔弱那禁螭去搏蝶微也有虎來吞
一枝錫杖輕提起竟可敲開地獄門

花落安能再上枝近來世事十稀奇偷雞已悔徒拋米
藥虎何當自服砒膽小常防雷劈頂心粗又惹火燒眉
何堪再作回頭看張果躑躅莫倒騎

自題繆悠詞後

愁裏光陰睡思多聊憑詩酒試銷磨千秋隋志俳諧集
一曲元人罷耍歌炙輠談天總游戲輶軒絕代儘搜羅

還當問訊鮑亭老弦外聽來究若何

鮑亭題詩云弦外誰知寄託深

正月晦日園中卽事

正月晦猶正月朔本來元夕共繁華古人未置中和節

此日爭停游冶車

藝文類聚歲時部正月十五日後卽繼以晦日是正月晦日古人固與元

宵並重自李鄴侯請於二月一欲爲始和存舊俗卻當日置中和節而晦日之節廢矣

小病慶新瘥

前兩日余有疾

杏花已吐將開萼梅樹猶含未放

葩朶朶玉蘭初展瓣條條絲柳正舒芽掃除院落無黃

葉拂拭窗櫺有碧紗浮世偷將閒半日重孫抱到髻雙

丫且因佳日資歡噓莫爲危時發歎嗟大碗濃盛青菜

麪

以青菜下麪余最嗜之

深杯清注白圓茶

橄欖犬者名白圓點茶最宜

明年

今日如猶在再共兒曹一笑譁

二月八日又至園中

九十春光強半過

再十日卽清明矣

又攜婦豎此婆娑雜花芳

草童心在高柳斜陽老淚多且喜風和宜杖履渾忘雲

擾有干戈待從一百七齡叟問訊乾隆景若何

上溯乾隆六十

年所生人至今一百七歲矣殊歎余生之晚也

移盆梅數株於園中擇地種之

爲愛盆中數樹梅不辭幾處劬蒼苔夜寒惜未親鋤月

春暖欣逢始發雷

凡種植宜於驚蟄之後

自較黃楊容易長只愁

白髮要來催使君種荔香山笑

白香山聞楊使君種荔枝戲之云愁君得喫是

何我願積齡亦自怡

花農以程君房墨兩笏寄贈賦謝

明代製墨誰最精其始方與羅齊名

方正羅小華

蘇汪兩邵

置不數

蘇眉陽汪中山邵青邱邵格之

後又易以方與程

程方于魯程君房

元元

靈氣妙無比

元元靈氣乃程墨名上元字恭代

壓倒青麟

一滴髓

青麟髓乃

方墨

俗論翻嫌膏太輕誰知聲價傾燕市

其時論者以程用膠太輕

宜南不

方今九市煙塵紅金壺妙汁應已空君從何處

得此墨將無價與黃金同憶昔吾孫偕計吏豹囊曾拜

烏丸賜

余從前應殿試未知有明墨也及陸雲兩願成入都則人人言明墨矣君亦曾以見賜

願

留此墨付曾孫儻許 彤廷重與試

二月十二日汪能亭侍郎招集楊定甫費昶懷喻

志留曹石如潘酉生蔣季和及吾孫陞雲同飲於
其寓廬主賓八人皆翰林也亦吳下一盛事以詩
紀之索能亭和

春水桃潭千尺深招邀勝侶共題襟百花未過三生日
二月十二十五十八世傳皆百花生日蓋八月十五爲
月夕則以二月十五爲花朝亦自有理其兼及十二
八者用宋時三大節一席先羅八翰林仙桂自然無
前三後四之例也
水新茗此外幾同岑時翰林在蘇者官場不計外尚有
潘講琴朱硯生吳清卿沈穀臣鄒
詠春鄧憐余二十三科客老耄何緣與盍簪
孝先

花農拜經筵講官之命寄賀

稽古桓榮本絕倫鸞臺鳳閣掌絲綸論文精舍猶高弟

進講 經筵已大臣新命疊頒 行在所舊游重話聖
湖濱青雲遙望原堪喜自顧殘陽轉愴神

題宋陳居中朝貢圖

圖爲武林吳氏所藏吳君耳似奉其父子薇之命乞
題乃其曾祖蘊香司馬官撫州時所得也舊不止此
亂後所存僅八國曰撒虎兒罕曰淳泥曰瓜哇曰韃
靼曰真臘曰占城曰三佛齊曰吐蕃每幅之後以別
紙題識國名略附考語有一紙署楊士奇書又有文
三橋張東海兩跋未知真贋然畫則似真蹟也

嘉泰畫苑陳居中人物蕃馬咸精工時論以比黃宗道

謂其猶有宣和風所畫入貢各蕃使鬚眉衣襪無一同
可知南宋雖偏安諸夷朝貢猶時通吳君耳似寄示我
云自曾祖傳之聰吳君名惟聰亂後所存僅八國餘皆散佚
隨飛蓬奉其父命乞題句想見世守同裘弓我披宋史
外國傳五國可考餘無從淳泥真臘占城三佛齊吐蕃乃歎史家有
闕畧翻藉畫史存奇蹤獨怪南宋畫苑畫題記奚待西
楊公文張兩跋尤草草得無贗鼎非真龍但求畫真他
勿問名論吾服淮海翁秦澹如觀察題跋有此語樊榭山人遺句在
已如崔灝難爭雄樊榭集中有陳居中入貢蕃王圖詩丁君松生命其子和甫錄附此卷
率書數語副來意或託名蹟傳無窮

園中兩樹海棠高出於屋今年花開特盛游賞其
下竟逾旬日風雨一宵零落滿地呼童持帚掃歸
其根使異時卽化爲根畔之土竊謂是收拾落花
第一妙法也他樹有落花亦倣此爲之因賦此詩
告世之惜花者

海棠零落竟無存半襍苔痕半蘚痕葉落尙知宜糞本
花殘豈可不歸根何須別築新鴛冢更與重招舊蝶魂
蓄聚菁華待來歲春風枝上再溫磨

余舊有齒疾年來僅存三齒遂無疾矣今又有一
齒欲落不免又病因賦詩留之

楊蟠無齒頗優游齒疾如何迄未休
獲相國憐人已僅買臣妻訶勢難留
長存餘子原非望稍緩須臾試與謀
老我積唐應不久何妨相伴到山邱

謝袁海觀察惠牡丹

好風寄到洛陽春穀雨纔過未挾辰

時交穀雨方五日蝶亦隨

香款蓬戶花還從俗趁鵬輪

附輪船至蘇

天葩已吐三分豔

野蔌兼分幾味新

君因余喜素饌故又附以東瓜王瓜茄匏等數種皆市中未有之珍品也

富貴依然行我素相知尤感此情真

書丁竹舟武林藏書錄後

武林山水甲神州文物東南莫與儔
綳帙縹囊富藏弄

香梨文梓競雕鏤丁君好古承遺緒上溯六朝范與褚

吳范平

遙遙書藏訪錢家

宋錢

下逮瓶花兼玉雨

吳焯

齋韓文綺玉雨

我披此錄心忡忡千秋過眼如飛蓬自

歎衰年逢厄運因將盛事話乾隆乾隆一代空千古文

泊武功無與伍大小金川盡削平更命遺書蒐四部

同時四閣建崢嶸淵溯源津各錫名舊典已教稽永樂

新書更爲訪寰瀛收藏最富惟江浙特下璽書問存

佚浙中首及曝書亭次及甯波范天一猶恐叢殘未盡

蒐山厓屋壁徧搜求亂危傾覆

詔無忌

諭云卽有忌諱並無妨

礙

帝虎烏焉官與讐山塘書賈推金氏古籍源流能儂

指吾湖書客各乘舟一棹煙波販圖史不知何路達

宸聰都在

朝廷清問中

見乾隆三十八年閏三月初七日

上諭星火文

書下疆吏江湖物色到書傭窮陬僻壤開風氣何況之

江名勝地遂使汪吳范鮑孫

汪啟淑汪汝璥吳玉璥范懋柱鮑士恭孫仰賢各

將私藏呈中祕大開書局太平坊編次諸君日夜忙中

進呈之書皆於太平坊設局編次

一十四回分奏

御四千餘種各提

網

浙撫進書一十四次共四千五百八十八種他省無出其右者

原籍發還歸世守玉

堂巨印鈐如斗

諸書著錄發還者皆鈐以翰林院印

頒來圖籍共幾家

浙江

蒙

賜圖書集成者三家鮑士恭范懋柱汪啟淑賜佩文韻府者三家吳玉璥孫仰曾汪汝璥

奉到

御題凡幾首

進書稱有御題詩句

旨者皆

西湖建閣號文淵百

有餘年未改觀偶爾黃埃興黑霧依然綠水映紅欄茫
茫天道殊難計時局日新還月異爭從西學拜西師各

習洋文譯洋字回憶篁庵設局年

同治六年巡撫馬端敏公奏開書局於篁

庵而校勘諸君皆在戴氏之聽園余忝總其事

中興氣象故依然戴園風景無

更改人事煙雲有變遷北望神京堪痛哭古來淪陷無
斯速劉井柯亭化作灰遑論牙籤兼玉軸似聞太學幸
猶存石鼓遺文尙可捫留得幾家書肆在厥西門到厥
東門有客書來慰遲暮

昨得門下士章一山明經來書

升平未必難重

覩異日蒲輪下漢廷誰爲伏勝誰轅固八十衰翁鬢似
絲河清可俟恐無時惟援小雅詩人例思古傷今自賦

詩

排悶偶成

暮嗜朝歆亦太癡不妨一室自怡怡積書環堵成之字

書室中積書凡三曲稱意栽花喚可兒襟上蝨皆爲佛子余近來

蝨戲用無畏三藏語案頭貓已到期頤余畜一貓已十六莫言心

緒無聊甚益是無聊益有詩

截竹爲筒盛水插花分懸左右坐臥其下儼若花

陰饒有雅致

截竹爲筒蓄水深插花高下儼成陰胡牀踞坐花陰下

不覺飛來花滿襟

花農寄贈宣德鑪賦謝

鑪底刻大明宣德六年工部尙書臣吳邦佐監造十六字他鑪所無也檢明史亦無其人聊賦此詩質之花農

故人贈我宣德鑪宣德六年所造作

則箇切

鑄刻監造人

姓名工部尙書吳邦佐我因考明史史傳無其名又觀七卿表表列殊分明宣德六年歲辛亥是歲工部無紛更曰吳中曰李友直皆居本部爲正卿異哉吳尙書不知竟誰某得無亡是公子虛與烏有或疑留都例不書南京七卿此說誠然而亦否在南則爲南工部不署南不列表

京何太苟

明自永樂後時而置行部時而罷行部宣德三年罷行部則北京去行在字而南京應加

南京

字矣惟喜此鑪製作精入手便覺光瑩瑩微論甘南與

施北卽爲蘇鑄何容輕

宣鑪有甘家南鑄施家北鑄蔡家蘇鑄諸名目敬熱名

香供我佛

陳之觀世音菩薩坐前

討論前朝徒兀兀一笑歸之史

闕文金石原堪補史闕

謝鮑亭餽鮓魚

如此丰昌水族稀

本作昌魚李時珍曰昌美也

冰盤傳送到柴扉柳

公權不嫌多骨

其甚軟

楊太真還笑欠肥

內甚肥白

魚婢可容

充下女

時珍又曰或言羣魚皆隨而食其沫有如平娼故得此名

老兒一任臥斜暉

升庵外集言此魚戾以梗米可連骨食之故名狗渴睡魚昨朝鮓魚

鮓音蘇字今鮓字詩去

應將鰓音業字歸音先鰓鮓魚鮓繼又鮓靠子魚今又以此

辛稼軒壽人八十詞云人間八十最風流長貼在

兒兒額上校者改下兒字爲孫字顧澗蘋云兒兒

或是奴家之稱二語之意當以八字作眉字解余

按稼軒又有壽岳母八十詞云鰓脂小字點眉閒

猶記得舊時宮樣則顧說信矣余八十老翁賦此

一笑

老夫耄矣復何求齒豁頭童萬事休自謂百年如夢幻

人言八十最風流便從九九圖中數余今年八十一仍向兒兒

額上留只惜老妻久黃壤鰓脂小字欠眉頭

張君春岫以余舊寓臨平作臨平圖見贈披圖感

舊爲賦此篇

憶我生年四歲初始從南埭徙東湖

余舊居在德清東門外南埭臨平湖

有東湖之名

扁舟一棹潘橋艤老屋三間史埭租

余初遷臨平僦屋史

家埭乃康熙丙戌翰林史尙節故居也門前一小河有潘家橋

外家家住赭山港阿母

提攜時一往十友凋零幾姓存雍乾人物猶堪想余外

氏居赭山港外曾王父意山先生爲同里孫文靖公東湖十友圖中之一

百年喬木上公

家卽謂孫文靖

老桂槎枒兩樹花

聽事前有木樨花兩株

我昔抱書此

中讀硯貽樓上闌呶啞

余家與孫氏有連余自十歲至十五歲讀書其家之硯貽樓上

大小陡門人藉藉

其地有大陡門小陡門唐宋時乃蓄洩之區今水道變遷兩陡門皆市廛

矣市廛橫貫東西柵有長街自東至西休言小市少肥羶春日

燒鷺秋鳥腊二物皆臨平著名食品偶隨樵步到山邊夕照庵前

起暮煙靈境未探龍母洞山有龍洞昔有室女生一白龍此其遺蹟每年四月八日

人多至洞卜水旱余仙蹤時訪葛翁泉康熙仁和志言

丹泉為葛仙翁遺跡沈東江臨平記不載殆失所在今

夕照庵前有一擔泉淪茗極佳余疑卽此也一擔蓋因煉丹兩康志稿真堪惜康蓮伯子蘭兩君輯臨平辛苦

張君重探撫門下士張小雲孝廉司命難尋外氏墳臨平

舊有姚司命冢見元人劉大彬茅山志余永思空訪吾外家姚氏當卽其裔然莫知冢所在

家額羊嫁橋有小屋數椽內懸永思二字額相傳宋高

可考宗為金兵所迫有俞氏兄弟二人兄名太和弟不

字賜之先君有詩存集中余亦有記一篇存外集然此

事疑以傳疑究典午中興建武元臨平俞氏有淵源咸

臨安志載周絳侯廟晉建武元年侯裔孫卓卜居臨平

鄉大姓俞氏即其地祠侯是晉時臨平有俞氏且為大

姓也晉惠晉元並有建武元年號然惠帝建千秋莫考遷

武止有兩月此建武元年必元帝年號也

流跡一旦重營印雪軒余家寓臨平時青田端木先生國瑚為書印雪軒三字額草

草寓廬無所愛移居非一還非再徙紅牆剝落將軍

祠居馬家街時迤西有曹將軍綠草蒙茸美人塏居乾

時迤東有美人自憐白髮入旬翁往事雲煙付太空忽

塏不知所以名向畫圖尋舊地宛從衢巷認新豐一篇長句為君賦歷

歷鈞游猶可數倘補東江詩記中莫教又似邱丹誤東

江臨平記詩記中誤以唐邱丹為臨平人

余有一鷹毛扇同治元年買於天津者今四十年矣爲賦一詩

白髮衰翁首屢搔坐觀人事去滔滔萬邦公法新金布
八股時文舊弁髦明月空留頭上古浮雲難據眼前牢
惟餘一握鷹翎扇四十年前此羽毛

日本國子爵長岡護美過訪草堂以詩見贈次韻酬之

文園寂寞卧相如何幸高軒過微廬風月曾窮五洲外
詩有小印曰五洲風月鬚眉不信六旬餘年已六十止縱饒戚里
家聲貴其人乃日本國后之兄未盡書生結習除購取老夫全集

去虛名浪竊轉顛予

時購余春在堂全書一部而去

次日報謁又贈以詩

貴極椒房戚榮膺穀璧封衣冠仍脫屣風度自雍容春訪吳中樹雲歸壘上峯白頭憐我老何日再相逢

題汪退谷所書徐大臨宮詞後

詞爲明宮作作者徐大臨昂發書者在退谷士鉉也有以索題者率書一二絕句

絕妙宮詞一卷開偏存奇字費疑猜我疑當日宮門榜

竟署雲金不作臺

第一首云雲金門峰接三躔金字不識檢集韻臺或作金疑金卽金字之

誤或當日門榜竟如此寫也雲臺門卽後左門見天啓宮詞注

透玲碑古文無考爪拉冠新製不傳

均見詩中

安得虞山陳

次杜搜羅軼事作詩箋

常熟陳次杜作天啓宮詞自注頗詳此詩雙樹長懸多寶珠及

剝成蝴蝶堆銀盤均見彼詩注也

宣德鑪第二歌

花農又以一鑪贈文與前鑪同再賦此歌

花農昔贈宣德鑪誰歟監造尙書吳考之明史其人無一笑等之先生烏乃今第二鑪繼至竟與前鑪文不異若使當年無是公何以一僞又再僞嗚呼青史傳人本不多惟憑表志爲搜羅年深代遠事繁蹟苟撫往往遺義娥前明嘉靖時宮觀大興造揚州有木工姓徐名則

果厯官兵部至尙書何嘗載入七卿表徒憑史表爲有
無竊恐湮埋人不少明朝祖制遵高皇襍流亦得登巖
廊吳縣木工有蒯祥凡所營建咸精良厯事永樂至成
化累官工部左侍郎及觀王元美所記又有蒯義興蒯
綱並以木工官工部一爲左堂一右堂若郭廷英若蔡
信兩人亦以木工進皆居工部侍郎官可見襍途流品
盛我疑吳邦佐與此猶李孟憑藉一藝長躋躋三台峻
史體謹嚴擯弗登一鑑翻得留名姓如今一再出人間
或欲流傳託歌詠吉金熊熊長不磨傳疑則可非傳訛
我又爲作宣鑑歌寄示花農將云何

外孫王少侯隨那琴軒侍郎赴日本賦詩送之

送爾乘桴去臨歧無限情艱難感身世辛苦事功名
夜北堂夢朝朝東海程歸期先屈指秋月幾回明

陸鳳石侍郎自西安寄贈商山芝草

四皓遊仙去不還尙留芝草滿商山蔓延空谷同薇蕨

余家人有識之者曰實卽照耀斜陽異蒹葭好配花豬

成雋味來書云煮宜偕杞狗駐衰顏并以甘州餉報君

欲仿君家例卻惜梅花未可攀

今年有兩廣雲貴甘肅五省鄉試而日久未見闈

題賦詩誌慨

時文試帖一齊休今歲猶聞數處留業已事同強弩末
更誰書訪大航頭竟成棄物眞芻狗尙冀同春此土牛
寂寞楊雄還欲擬幾番拈筆又重投余自戊子科以後
頗有疑墨之作今
亦無復此興矣

園中有大柳樹二風雨搖撼池岸傾殯慮其顛仆
敗我牆屋不得已伐而去之悼之以詩

園林最喜柳扶疏到此如何付翦除
檣櫟不材原許壽芝蘭有礙竟須鋤
非貪明月來花徑爲怕秋風敗草廬
廿七年前親手植早知今日悔當初

八十一歲作歌

春秋二百四十年見聞傳聞分三世可知一世八十年

自是春秋家舊例若云一世止三十如有王者何太易

三十年而至於仁勝殘去殺非難事如何善人得爲邦

又必百年方可冀孔子自言知百世此必非以三十計

百世果止三千年自孔子來數將備五百年後非所知

尼山一席誰其替

孔子生於周靈王二十一年庚戌至
今光緒二十七年辛丑二千四百五

十二年再五百四

十八年卽三千年是故一世八十年義本春秋非苟異

倘謂此說未可信吾請更與論字義世字從十從七十

篆體分明不我秘七十加十是爲八不取諧聲專會意

南閤祭酒知有知定采芻蕘不見棄

許解世字云從廿
而曳長之亦取其

聲余謂世字從十
從七十似較簡捷
我年八十又加一前之一世嗟已逝

今歲纔交一歲初桑弧蓬矢須重置柱下相君食人乳
市中壤叟爲兒戲引睡宜聞嘖啾聲看書惟識之無字
嘉平二日我生辰或可啐盤聊一試吾孫天幸又生男
與我同庚堪把臂時孫婦將免身從今嬉戲共曾元不免誼闌
爭餅餌花下仍堪竹馬騎案頭又可村書肄儻不三歲
四歲殤行將九歲十歲至不知此後幾春秋弱冠登朝
吾尙覲

春在堂桂花盛開歸王氏長女來與之游賞終日
桂花香滿小庭中準擬年年一醉同不是多愁卽多病

更難無雨又無風

每年有此意然往往不果

秋光卻喜今番盛良會

休教此日空草草杯盤誰與共招來月上伴衰翁

維摩詰女

名月上白香山詩
月上新歸伴病夫

花農以康熙年瓷杯二枚見贈爲賦一詩

昭代人才古無偶一技之長皆不朽濮仲謙以雕竹鳴

時大彬以沙壺壽張鑪伊扇各知名

嘉興張鳴岐錫鑪
江甯伊莘野紙扇

海內風行不脛走誰知瓷器亦成家更有浮梁吳十九

以上皆本王漁洋池北偶談然李日華紫桃軒
襍綴已有吳十九之名疑其人在明末國初也

精選材剛不韌柔不坏巧妙得未有莫如卵幕杯薄如

雞卵幕潔淨無纖埃借問重幾許半黍當一枚

以上見
紫桃軒

櫟
綴惜哉絕技無人逮彩雲易散琉璃脆將無此器久銷
沈未必留貽逾百載乃承遠寄從京師更看題識爲康
熙儼如 內府珍藏物總見康熙全盛時

聖祖削平諸大亂武功文治超唐漢已開鴻博聚羣英
更集圖書成鉅觀商僮工樸俗敦龐物阜財豐世清宴
卽如一器偶流傳亦復千秋同愛玩入手幾同蟬翼輕
膩人更比鶩肪便我疑此卽卯幕杯神物護持長不斲
康熙至光緒二百有餘年二百餘年來萬事如雲煙人
官與物曲隨世俱推遷西洋奇巧日日出流霞妙器無
人傳吳十九流霞器亦見池北偶談我作此歌君莫和柄鑿方圓吾自

左思古傷今涕淚多一時都向杯中墮

送外孫許汲侯赴朝鮮

送爾游平壤茲行亦壯哉涉波惟仗信賦海莫矜才欲

向三韓去先驅五馬來

己官知府

衰翁悲往事喜極首重回

傷吾女之不及見也

表弟姚少泉以所著天地元始開化論二篇見示

率題其後

太極團團一箇圓先成大地後生天

論中大意如此

獨翻盤古

相承案直溯洪荒未判先但見兩儀分上下誰知三易

有坤乾

殷易首坤義或如此

命門探得真消息

亦論中所及

莫向悠悠

俗耳傳

張春岫爲畫俞樓及右台仙館圖各題一絕

右台仙館

山館沉沉不見春先生妙筆寫來新
他年倘築董君闕再畫墳前拜掃人

俞樓

六一泉邊小小樓西湖勝概已全收
圖成莫畧俞樓字一任張王李趙游

京師有請箕仙者其仙自稱賀知章
能爲人作書畫花農請爲余書春在堂
三大字壯偉可觀賦詩

紀之

葛仙手署天台觀飛白大字仙乎仙道林歐筆國清柳

便覺相去如天淵

說本米襄陽海岳名言

人間仙筆不可見徒令

凡筆紛流傳那得更起薛稷寫鬱鬱三字蛟龍纏吾家
春在堂偈仄復偈仄湘鄉爲題榜遺墨今猶黑蕭然環
堵中已覺大生色不圖仙之人更爲潑醉墨四明狂客
賀知章晚以黃冠歸故鄉草書隸書無不妙一時箋翰
人珍藏如何靈爽至今在爲我大書春在堂封題遠寄
來吳下歡喜奉持疑且訝鳳翥鸞翔體謹嚴當年不信
張顥亞君不見蘇州太守黃堂居木蘭堂額云是香山

書棗木傳刻失真久不知元本當何如大筆懸空走如
電不啻唐賢親覲面請看春在堂前賀監箕筆真應勝
木蘭堂上白公事本賡

送孫兒陞雲入都銷假

菽水承歡力尙艱重將風景認蓬山家貧未辦薤鱸計
官冷宜居木雁閒材不材閒固處世盼爾青雲能遠到
憐余白髮太衰孱蜩蟬世事休多問姑祝明年乘傳還

奎樂峯制府自蜀中寄贈叩竹杖二枝賦謝

頻年踞坐一胡牀記得移來狨坐旁余年來坐一皮倚
子猶公撫蘇時所
贈也誰料青城千里遠又貽綠玉兩條長槎枒有角根仍

瘦滑笏無斑質自蒼欲寫羲之印竹帖祇慙蛇蚓不成行

憤言

公然倡議廢羣經

滬上爲新學者有此說

異論高談不可聽萬古

秋陽常皜皜一朝秦燄又熒熒鋪張海國新聞見播棄

尼山舊典型昔抱三憂今竟驗

一憂無中國二憂無孔子三憂無天地余二十

年前有此說坐看白日變幽冥

余最善食菜今年所蓄頗多有毘陵之蹋菜有金陵之瓢兒菜而從孫壻趙卓士又以家園所種菜見餉堆置一室白香山云此翁何處富酒庫不曾

空余無酒庫而有菜庫亦可喜也賦詩張之

齏鹽風味本來長老去何嘗一飯忘菜庫今年頗豐足
菜神應祀蔡中郎

朱修庭觀察招髯者四人同集於其寓齋主客皆

髯名曰五髯會詩以張之

天旋地轉世升平

時初聞自汴啟蹕

兩宮之信

盛事先從吳下生八

翰林纔成雅集

汪皕亭侍郎春間曾入翰林之會

五髯仙又聚耆英鶴

猿共訂長生侶鸞鳳還聞得意鳴

修庭招客之柬有鸞鳳和鳴四字乃吳俗

喜事所用也

惜我衰穢難與會

余不赴人招已二十四年

不然尙許喚殷

兄

坐客有盛旭人侍郎年八十八長於余七歲

日本子爵長岡君以倣宋刻尙書正義寄贈賦謝

舊籍曾歸足利儲

舊藏於其國足利學

遙知珍重等璠璣封題寄

自東瀛遠槩刻傳從南宋初

据紹熙壬子黃唐毛詩禮記跋知此刻在南宋初

山井尙難求缺葉

原本缺十五葉以別本補山井鼎作考文謂之補本今所補止存一紙又

据宋十儀徵竟未見全書

阮文達公作尙書校勘記所据宋本即此本也然文達止

見盤庚以下諸篇蓋未見其全

管家論語參疑信比較茲編恐不如本

津藩有造館藏有鈔本論語相傳其國名臣管公所書世稱管家本余案頭亦有之

庚申歲戴文節在杭州殉難余有詩弔之其明年

寫贈一友至今歲而此紙爲文節之從子子謙參

軍所得標節求題事越四十一年不特所贈何人

言一
茫不記憶并字蹟亦不自識矣賦此一歎

昔年辛酉今辛丑相距迢迢四十年烏兔奔忙殊可歎
蚓蛇醜劣轉堪憐姑留翰墨因緣在卻笑酸鹹嗜好偏
寶此一箋何所用好教坡老去鑄錢

送許氏二外孫善侯孀王氏三外孫女赴朝鮮
昔年送汝滇南去已覺迢迢行路難何意新婚纔兩月
又攜汝婦到三韓故園景物休多戀平壤風光莫久看
總是外家兄妹輩明春相聚又長安

聞明春將至京師
吾孫亦在京也

蹋菜

常州所產其葉鋪地如人以足蹋之者故名余十五

歲時侍先大夫讀書常州嘗食之至今六十餘年
矣門下士寶旬膏宰武進以此菜餽爲賦此詩

蹋菜常州出寒畦滿地鋪毬場非蹴鞠塔影有浮屠常州東門外有塔甚高塔影東西所及方圓數十頃其菜尤美故亦名塔菜巨跡憑誰認嘉名
任俗呼雪泥重問訊爪印尙存無

瓢兒菜

金陵所產以形似得名劉少峯觀察以此菜相餉亦
賦一詩

白下瓢兒菜經霜味更鮮
往奴如許買高士竟堪懸
白去枝枝濕兜來葉葉圓
一簞疏食在下箸倍欣然

題程忠烈公遺像 公名學啟

偉矣程忠烈平生智勇俱艱難經百戰談笑定三吳刻
盡六門壘梟來入賊顱當年無此舉麋鹿尙姑蘇公殺降之
舉世或以爲非然有功於蘇甚大
蘇人宜感之寓於蘇者亦宜感之

遍上一隅地安危倚外洋惟公建旗鼓能與抗顏行箕

尾歸何早旋頭氣轉張臨淮元老在威舊涕沾裳中國與日

本之戰李文忠歎曰程方忠在何至於此

元微之春游詩用闌散字讀散作珊入寒韻余按

集韻二十五寒珊下有重文散蓋本史記平原君

傳樂散義也元詩以闌散作闌珊亦猶蹢躅之作

蹢散義尙可通乃李端民和之竟作聚散字用則
可異矣容齋五筆載之戲倣其例

殘冬最苦夜漫漫起對晨光又一歎豈有功名追稟姚

二字依師古
注作去聲讀

何妨懶惰過中散詩文喜共故人賞時世

愁看來日難偶學元詞歌罷要

時倣元人罷要
詞作仄仄歌

自歌自

樂不堪觀

疊前韻作仄聲讀

勢叟依然漫郎漫何爲又作牛山歎世人爭駕瀟戾車
吾道將成廣陵散老臥山林爲不才飽嘗憂患緣多難
倚樓看鏡兩相忘八十詩人陸務觀

嘉平二日生辰淨竈一日再賦一詩示家人申去年之意

一日蠲除豢與芻生辰食品付寒厨菜根齏切如肪白豆腐濃煎比肉腴常願遵循同令甲不嫌清淡似浮屠他年支派難稽考但問今朝淨竈無

魯幼峯太守鵬自江右來蘇賦贈一詩

龍湖講舍舊從游自出承明又幾秋五馬銜姑書牘尾

八人命已活刀頭

君去年奉檄治吉安教案有八人者將正法矣君察非正犯以去就力爭

入人者

休因家室傾衰淚君時且借江山佐壯猷三十

二年老山長居然得此一名流

君舊肄業龍湖書院

陸雲舉第二子未百日而殤悼之以詩

明珠入手喜如何奈此曇華一刹那盆內暫看些子景

尊前長聽阿呀歌

余新作阿呀歌一似爲此兒作者

五行缺水知無濟

八字中

三月咳名算已過

生九十

孤負殷勤邠老意玉

牛奚忍再摩挲

潘請琴以玉牛一枚賜兒以其生年同屬牛也

樂峯制府又以印杖一枝寄贈其來書有扶掖大

雅檣柱名教語余謝不敢當然不能無感輒賦此

詩

印竹得名從漢時至今印杖天下知故人杖節鎮西蜀

秋間曾以二杖貼浣花老人舊背例敢不拜受謝以詩

詩十八

毛

無何又寄一枚至初意謂公憐我衰肅衣見客受其杖

江叔海太守齋杖來焚香展函讀其詞一言大雅賴扶掖再言名

教宜櫛持讀之舌撝不能下斯言於我安所施必執此

言用此杖杖不宜受宜乎辭三復公書三太息公言可

爲深長思竊思我朝稱極盛後有乾隆前康熙五經

謹嚴遵御案四庫閱大開京師薦舉經學得吳願乾隆

辛未保舉經學取四人第一吳鼎第四顧棟高召試鴻博來彭倪康熙己未召

名彭孫通第二名倪燦其時風同道惟一士論不敢差豪釐嘉道

以來百餘載謹守成軌無他歧不圖風會忽一變放言

高論殊離奇謂六經可一炬毀聖賢經傳同糠粃謂三

綱可一筆掃大泯亂我民之藝四子之書宋儒定元明
至今循其規我儕束髮抱書讀孰不奉此爲初基乃謂
以是課蒙士未足開發人心脾遂使新書日日出其意
直欲無宣尼 國家功令置不問先民桀黠棄若遺大
雅淪亡且勿論直恐名教將陵夷扶綱植紀誰之責安
得有杖頒伊耆我老且病又微賤雖操此杖將奚爲重
爲告曰杖兮杖兮汝努力勿徒爲我扶衰羸逐日去迫
夸父走化龍來共壺公嬉運以巨靈之高掌輔以扶桑
之喬枝庶幾有以副公意我將扶杖來觀之

壬寅編

春在堂詩編第十九

德清俞樾

壬寅元旦

元旦新詩寫此箋壬寅舊事溯從前

道光壬寅余年二十二

半升

分煮家常飯

是年先大夫失館命余兄弟各謀生計始異爨余百哀篇所云當年初治饗殮日日

食惟消米半升也

四萬全支館俸錢

是年余館杭州蔡氏歲入四十千

磨重

尋真大夢鹿鳴再賦待明年秋冬此老如猶在尙擬

恩施乞九天

余道光甲辰正科重赴鹿鳴筵宴今年秋冬即可入奏

恩科舉人列於明年癸卯

何處春深好四首做元白體不用其韵

何處春深好春深吾道中淵源秦博士絲竹魯王宮欲

使微言紹休將異說攻饒伊王輔嗣止作應門僮
何處春深好春深吾意中營營非所願藹藹與人同不
慕莊周達奚悲阮藉窮須知方寸內懷葛古遺風
何處春深好春深吾室中好花常在眼俗客絕無蹤香
篆一鑪碧牙籤萬卷紅世間新釋本未許棟邊充
何處春深好春深吾筆中縱無文似錦也有氣成虹詩
格參長慶經師拜鄭公危言雖日出一掃盡皆空

寄花農

聞君一謫下蓬萊鍾鼎旂常願盡灰春夢不堪重問訊
閒雲惟望早歸來白蘇隄畔新詩料許鄭堂前舊講臺

大好湖山供笑傲老夫猶幸得追陪

仿陶園詩爲園主人美含戴翁作

昔我先祖母實惟戴氏女戴氏在吾邑不下徐蔡許家

皆德清著姓

溯其所自來淵源從歙浦

吾邑戴氏自徽州隆阜遷來所謂紫竹林

戴氏也

歙西有隆阜亦一大邨聚隆阜紫竹林戴氏所聚

處我昔客汪邨前後七寒暑屯溪至隆阜經由有定所

余從前館休甯汪村每由屯溪登陸路經隆阜

每過紫竹林籃輿爲延佇惜無

賢主人不克叩其戶乃今仿陶翁於此開園圃高踞文

墩巔

地有高墩曰文墩

俯臨歙江渚危樓試一登沈寥空四字

白岳與黃山天外兩眉嫵倘我再來游定許共揮麈

杞花開時良會我亦與

園多杞樹

舊戚話潘楊新交訂嵇

呂惜乎衰且病訪戴託空語走筆題此詩蒼茫感舊雨

元旦詩和者頗多因疊韵自和

諸公爲我劈吟箋我亦何妨韵疊前一百難逃習詩杖

宋政和制習詩賦者杖一百

萬千空唱賣癡錢

吳下除夕童謠

時功令廢詩賦故戲爲此語

萬千貫賣汝呆且欣連日皆晴日豫卜今年是有年尚

擬重探湖上勝清明寒食暮春夫

偶成

春光小半過無痕情事何妨試一論袖內臂纏蛇總管

有藤鐫名蛇總管藤云帶之可以去風

盤中手剝鴨餛飩

時偶食高目昏

終日慵開卷身嬾兼旬不出門孤負西湖煙水好白沙
隄畔碧沄沄

球場歎

我聞蹴鞠始黃帝後世軍中傳此戲洋人技擊最精工
拋球場開上海地如今傳習來京師都人聚看咸稱奇
衮弄飛弄般般好神妙無窮八片皮清明白打爭開宴
歡笑渾忘時局變有人過此獨徘徊記是當初翰林院
翰林自古最清高況在重熙累洽朝青史人人盡班
馬黃扉代代出蕭曹乾隆九年歲甲子是年院署新修
理天子親乘玉輦來臣僚都在金坡俟綺食雕

盤出上方玉書仙
札降奎章叨陪筵宴分蓮炬恭進詩
篇和栢梁
昭代隆文稱極盛
院中圖籍尤充牣
皮藏大典自前明
四庫搜羅猶未盡
玉河橋畔水淪漣
方丈蓬萊望若仙
一樹金槐高百尺
不知封植自何年
蚺尤妖霧飛來毒
三月咸陽無此酷
柯亭劉井總成墟
門外沙堆應盡鬪
火輪車過聲如雷
天門蕩蕩洋人來
稱雄各把方隅據
選勝還將圓社開
人生俯仰成今古
滄海揚塵眞目覩
此日西人蹋蹴場
舊時東壁圖書府
貞元朝士白頭翁
天上巢痕一掃空
不須感慨摩銅狄
仍算金家元朮宮

六橋都尉 三多 以余食後易嘔自都下寓書勸用
西醫之說每食先飲湯數匙次食魚次食肉然後
進飯云是養胃之法也賦此一笑

老去加餐勉自強故人愛我爲評量儼頒令甲新條敎
來換庖丁舊約章已進小鮮方食肉未陳脫粟豫澆湯
近來事事皆西法變到先生藜苜腸

喻志韶太史 長蘆 自都下寄和余元旦詩疊韻奉

酬

數行瑤字寫羅箋

來書用羅紋箋詞館例也車笠論交十載前 君與余孫

乙酉 共喜清香近鄰桂 君爲乙未第二人陸雲亦忝戊戌第三人定容遠派

附俞錢

俞俞本一姓故晉書
俞歸隋志作喻歸

煎茶試院期今歲課讀寒

機話昔年

君有寒機
課讀圖

記與渭陽賢舅氏

謂王子
莊先生

同探委

羽洞中天

黃巖縣有委羽山亦云
是道家福地洞天之一

肅親王手書楹聯見贈賦謝

梁園無分伴鄒枚欲賦屏風謝不才兩地雲泥方隔絕

九天珠玉飛來沛王經論儒林重江夏書名藝苑推

寄到柱銘人其看一時光彩照蘇臺

竹林舊仰大司成

謂伯義
祭酒

當代龍門負重名教澤猶應

在南學賢聲又見起東平經綸雷雨關家國宏獎風流

本性情師友淵源知有在固應勲業冠宗盟

青萍結綠待評論羣士爭希一顧恩
大匠自然無棄物小孫何幸得登門
龍跳虎卧楹間字曾賜陞雲楹帖玉一聯屏四幅
蟻金醕席上樽又蒙招飲莫道頭銜冰樣冷
得陪笑語便添溫

曲園衰叟已積唐辱荷謙尊愧不當
辱稱曲園先生甘與子雲

同寂寞敢偕太史論文章聯語云太史有書能著錄子雲於世不邀名小眠

齋裏愁難到大雅堂前喜其望自笑才非杜陵老也將

詩贈汝陽王

明衡陽王書永思二字額歌

臨平山南半里遙小溪曲折難通橈
有一石梁架其上

居民云是楊家橋

亦作楊嘉又作羊嫁未知孰是

橋邊俞氏家其地不

識由來幾何世室中有額曰永思相傳南渡高宗賜高

宗南渡金兵迫蕭王危渡無其危俞家兄弟出禦寇同

時戰死殊堪悲臨安他日開行在御墨淋漓寄深慨亦

止流傳故老言未見他書曾記載兩康志稿費蒐羅自

躡梯梳細揣摩見有衡陽王署款乃知舊說盡傳訛道光

間康蓮伯子蘭兩君修臨平志親至其家梯而觀之有衡陽王書四字乃知非宋高宗書也惟念衡

陽開國久宋齊梁陳無不有稽之南史宋齊梁陳均有衡陽王唐代猶

聞有惠莊

唐惠莊太子亦曾封衡陽王

此王畢竟爲誰某張君賈勇

又褰裳刮垢磨光看得詳永思二字親模拓竟有皇明

宗室章

光緒初張小雲孝廉作臨平志補遺屬張君春岫又梯而觀之并手拓其文中央鈐有皇明宗

室印始知是我因世系徵明史衡陽王乃遼王子

明代諸王也植封遼王其子貴賢王名貴賢諡莊和此是衡陽受封

始一傳靖僖再悼僖三傳安僖國祚衰

靖僖名恩鏞安僖名寵茅土頒從成祖日鐘簾廢在世宗時

莊和於永樂八年薨無子國除四世三王史所錄

悼僖王恩鏞未襲乃追主之非真王歷年一百一十六惜無歲月此留題

難定當年書者孰

余函問春岫如額有年月遠稽俞氏

在臨平典午中興已有名

咸淳臨安志於周絳侯廟條言有臨平鄉大姓俞氏詳見

余詩卷舊聞零落雖無考老屋流連倍有情我作此詩

先正誤印文摹本吾親親皇明宗室字分明何得遠攀

宋南渡又存舊記表雙忠

余舊有揚嘉橋俞氏雙忠記存賓萌外集

未敢遂

云無是公離之爲兩成其美仍爲吾宗弔鬼雄

余謂南宋初年

俞氏雙忠事或竟有之故兄名太和至今猶在人口但明衡陽王所書額又自爲一事未可并爲一談耳

陳筱石漕帥遵

詔保薦特科而余孫陸雲與焉

雖非所克當其意良可感矣賦謝二律

鴻博停來百十年

自乾隆丙辰開博學鴻詞科後至今一百六十七年

又逢

明

詔降求賢舊科自寓新章在

時詔求經濟之才雖援照博學鴻詞科例而用意

稍小草偏蒙大匠憐豈有經綸副

廷對

原疏云以一身

而潛研經史通達時并無學術紹家傳

原疏云家

重煩

事不徒以科第見長

擡舉糝糠力一疏公然達 九天

老夫衰病卧衡門魂夢依依只此孫清俸豈能供菽水

輶車未便省晨昏

時頗望其得近省試差以便歸省然不可必也難援令伯陳

情例深感昌黎薦士恩寄語麤麤須自勉蜩鳩儻許附

鵬鷖

余道光甲辰 恩科舉人應於光緒癸卯正科重

赴鹿鳴筵宴壬寅年終奏請定例然也乃今春湘

撫俞廉軒中丞預爲甲辰 恩科舉人周樂疏請

重宴 恩詔俞焉於是吾邑戚友卽爲余具呈本

縣過玉書明府申府轉詳殆恐風燭殘年不能久

待乎余感其意賦詩謝之

鹿鳴重宴始乾隆

重宴鹿鳴始於乾隆甲午科孟琇至今光緒癸卯一百三十年

百有

餘年逮我躬已幸

慶科先歲一若依定例待年終忽

聞湘水飛章告

便鄉閭眾議同却笑吾家重表姪扁

舟來往太恩恩

蘇少鏞大令乃先祖母姪曾孫也實預其事親至吳下來告於余

筱石漕帥知余有重宴鹿鳴之舉以詩寄賀次韻

述懷

八十衰翁自憮然重將往事語當年槐柯未了一場夢

桂苑真成兩度仙

余先中副榜後中正榜舊有小印頗日兩度月宮游客適爲今日之兆頗

望孫能持使節

明年陞雲倘能得典試差亦佳語也

最悲兒不共賓筵

余

王市太守爲道光癸卯科舉人
如其尙在明年亦重宴鹿鳴矣
感君重疊投佳句清宴
園中手自編淮浦節署有清宴園

五月二十二日余孫陞雲蒙恩簡放四川副考

官電音馳報喜賦一律

好音傳自日邊來藉博衰翁笑口開
雪案猶存課孫草

余舊有課星輶竟到望京臺成都府有望京臺唐韋皋所建一家沆瀣

原同氣正考官乃毓紹岑學士卽陞雲房師此地淵雲大有才使節平安

江檻便小春盼爾共探梅擬台試事畢後請附輪船沿江而下回藉省親

前詩意有未盡再成一律

往歲皋比謝蜀中今看使竹卽孫桐同治季年蜀中設尊經書院延余主

講謝不赴聞蜀士頗似失望今吾計程官路五千里編

孫倅典蜀試庶藉以聯文字之緣命即發家號家書四十通書雲聞第四十號賦許後塵追老輩

吾邑典蜀試者二人皆在乾變巫歸棹盼衰翁紅牙曾

隆時一賦夢生一許祖京余曾製梓潼文君傳傳奇

譜文君曲儻有前緣在梓潼

女婿許子原自臺諫出守揚州至吳下相見喜賦

一律即用丙戌年送別詩韻

飄然五馬竟南征藉慰相思兩地情明月未知何處好

雖簡放揚州府而與陳筱因到任向錦衣先向故鄉行早先回浙

石漕帥有連尚須對調

省廿年已歎黃泉隔女亡二十一年矣一別俄看白髮生舊夢

茫茫何可問老夫喜極淚重傾

光緒二十八年六月辛亥浙江巡撫任公以樾中
式道光二十四年甲辰 恩科舉人遵例於光緒
二十九年癸卯正科重赴鹿鳴筵宴先期陳奏奉
上諭俞樾早入詞林殫心著述教迪後進人望允孚加
恩開復原官準其重赴鹿鳴筵宴聞 命恭紀

貞元朝士倖猶存重領鄉筵酒一尊少日風流豈紅袴
宋眉州唐堯弼年十四赴鹿鳴宴
著粉紅袴見周密浩然齋雅談 暮年光景已黃昏迂
疏未足孚人望衰朽何堪濫 聖恩爲有疆臣援例

請頒來

天語倍加溫

回思壯歲踏名場費盡槐花四度忙

余應鄉試共四次

待補曾

經登小榜

余丁酉科中式副榜嘗考今制副榜即宋時待補小榜之遺意聯科頗足慰

高堂

余與兄壬甫於癸卯甲辰聯科中式空山久吟姜家被兄亡三恩地

全荒陸氏莊留得漫郎聲叟在又來廣坐聽笙簧

卅六年來草莽臣重煩

丹詔起沈淪試從廢籍稽

昭代再入詞曹得幾人

翰林復原官異數也喜有故宮題墓碣悵

無前輩列朝紳只愁計較芸香俸甘為吾孫步後塵

忽聞恩命降從夫自撫衰躬轉黯然竟許祖孫同翰

苑

祖孫同官編修亦罕事也未容兄弟共賓筵壬甫兄在亦重宴鹿鳴矣望中長

路五千里

陸雲時奉使入蜀夢裏前游六十年尚有瓊林一杯

酒春風能否再流連

前詩意有未盡再成四律

河清可待竟非誣成例居然得與符廿六科來同輩幾

甲辰同年除湖南周樂已在湖郡則有二人乾隆丙子節餘年內故鄉無在國朝

無重宴見奏報外未知尙有幾人大書應附吳張後吳大燾同治庚午張應昌並

見湖州科小錄休嫌癸卯殊余與癸卯諸君只抱頻羅

庵主恨當年雙桂一株枯梁山舟先生重宴鹿鳴詩云

不齊芳與
余有同恨

落拓江湖一角巾不思再踏玉階塵屢煩師友招延意

甘作山林放棄身余罷官後袁端敏曾文正並有意招延謝不往自分姓名沈

廢籍翻因年例拜恩綸田間父老休相訝原是甘泉

舊從臣

光陰似水去悠悠且借虛名慰白頭泮水昔年曾再到

在丙申年月宮此日又重游耆儒莫副天言獎上諭云以慰耆儒

盛事差堪藝苑留上諭云洵屬藝林盛事副榜惜無重宴例不然

三度聽呦呦

爲憫衰癯各競先照例應於年終入奏而今多提前風

光催送一年前須陀迥得完初果頃曼都會號斥仙酒

醴賓筵難假借本年雖補行萬壽恩科及庚子文章

幕府已流傳新撫任筱沅中丞明秋我老如猶在尙擬

重廣宵雅篇

哭歸王氏長女

汝生回溯甲辰年我正初登鄉飲筵今日君恩重錫

宴不圖催送汝歸泉

女初生余應鄉試中式今重
宴鹿鳴之詔下而女死矣

二十年前女喪而今長女又淪亡蘇州茶與杭州飯

換得龍鍾淚兩行

余在西湖每入杭城拜客次女必治
饌留飯在蘇城則長女必瀹佳茗相

待而今
皆已矣

亦知病勢本非佳誰料兼旬事便乖臨死無窮遺恨在

二男一女各天涯

時大外孫在汴梁二外孫
及三外孫女均在高麗

間病誰知便送行爾時言語尙分明黯然一握牀頭手

六十年來父女情

七月初七日余往視之臨行
坐牀前女握余手殆示永訣

行期屈指太恩恩

女每計算日期至十四而止果於十四日去

已有香車駐

院中

自云舅姑來迎轎班頭已到

地下文勤應不老料猶問及曲園

翁

其舅即文勤公也

八十衰翁病榻前

時余適臥病

病中與女倍悽然人生高壽

真非福不及吾妻子女全

內八年六十而終二子二女皆在余八十二未死而子女

殞具三矣

能亭以詩賀余重宴鹿鳴次韻謝之

一出承明歲月遙每將問仕笑周曹卻因兩度游莘野

重向三秋候桂輶人喜青藜又劉向自憐白髮已班超

年來禿盡生花管難共諸公賦早朝

題陳蓉曙觀察泰山訪碑圖

秦碑舊在王女池後又移之元君祠存者二十有九字
後味死請前臣斯乾隆五年一炬火遂令殘石無留遺
惟君好古有奇癖今之劉跋江鄰幾不惜危崖走犂确
欲將古蹟搜瑰琦究竟秦碑不可見但見沒字碑巍巍
今君改官到江左倘發高興如前時建業郡庠試一訪
劉摹李刻應未勦建業郡庠卽今江南縣學舊有李處巽刻劉跋所摹本今未知存否
龍湖李氏構李詩爲李少園作

豔痕一捻尙分明

李有一捻痕相傳西施指爪痕也

佳種千秋未變更

許叔重初傳定本

經典釋文云構李依說文從木疑舊本止作雋也

顏師古爲

正嘉名

漢書地理志山拳故就李鄉其字作就顏師古注乃引應劭曰古之構李也構音子遂反買

從僧寺幾無價

舊惟淨相寺最佳今則稀矣移到君家倍有情其祖

泉石先生始從淨相移植今三世矣

若仿孔禽楊果例潘徐兩圃豈容爭

構李有潘園徐園之名皆從淨相移植者

寄題吳松雲半園

鶯脰湖邊別墅開聽秋醉月好亭臺世間不少岫和林

都可分將一半來

岫二山也林二水也並見說文

章一山樓秋闌中式喜賦一詩

功令求才又一新秣糠掃盡舊埃塵別開場屋文章派
遂起山堂考索人已喜金梯初得路更煩鐵網遠搜珍

君擬選刻
本科閱墨

吾孫忝副輶軒使能否球琳采蜀岷
時

羅國夫人歌

郭汾陽富貴壽考婦暨皆知乃其妻羅國夫人于
亦古今婦人中第一福壽兼全者也而世無知者
爲此歌以張之

千秋豔說郭汾陽富貴還兼壽考長共歎元功驚褒鄂
誰知賢佐有姬姜太原望族推王氏有女穠華若桃李
笄年甫及便來歸龍虎風雲猶未起閨中華飾屏珠璣
浣濯長披舊嫁衣敬奉尊章顏有喜和諧娣姒意無違
漁陽鼙鼓無端作萬乘倉皇登劍閣肅清九廟奠神京

封到眞王還是薄汾陽威望動乾坤鳳閣龍樓擬至尊
將佐奉榮進潁水侯主持帚掃宮門夫人貴亦人臣極
詔自琅琊封霍國輔佐艱難與有功制書深獎夫人力
夫人自琅琊郡君封霍國夫人制平康里第值高華兒
云克著艱難之勲實由輔佐之力
女成行拜內衙次子雖憐埋戰壘五郎且喜婿天家天
家貴主顏如玉粉侯同住黃金屋一房啾唧不須聽兩
老癡聾都是福良辰令節綺筵開流水游龍絡繹來夜
夜笙歌歸院落朝朝金紫照樓臺有時循例趨宮禁威
里恩榮無與並每把清明御火分慣將興慶朝班領晚
悟浮生總是空蒲團禪誦六時中金錢輦運營蘭若玉

詔標題署法雄

夫人晚年好佛奏建法雄寺

滾滾年華隨水逝華堂

一慟黃腸閉襚服親煩帝女裁御香特遣中官祭九九

衰翁雪滿髯

夫人卒時年八十一

不堪老伴失鵲鵲悼亡永罷

元宵宴

夫人卒於正月辛未考史正月甲寅朔則是十八日也

送葬渾忘六月炎

夫人於是年六月二日葬萬年縣之鳳棲原

生死哀榮曾未有一時朝野爾

嘉耦最巧生年與卒年妻皆逢已夫逢酉

汾陽生於神功元年丁酉

卒於建中二年辛酉夫人生於神龍元年乙巳卒於大歷十二年丁巳壽七十三小於王八歲

鳳棲原

上草離離想見佳城舊有基不必宋祁重補傳

夫人不見於唐

書郭子儀本傳

已煩楊綰大書碑

夫人神道碑楊綰撰

汾陽白是人中傑

霍國賢名何可沒儻教閨閣拜夫人應勝天孫祈七夕

陳六笙方伯以軍中紀事詩自蜀寄示次韻和之

昔年精舍我談經久仰虛堂一鏡澄

余主講訪經精舍君適守杭州

見

說近來添白髮忽從空際看紅燈

率匪中有紅燈會

豈真幻似

台沙蜚可柰繁於止棘蠅賴有匣中長劍在不辭再奮

舊威棱

莽莽郊原未止弋又看髦士聚戕戕

時適鄉試

短兵竟作萬

人敵

十四日三場正點名有拳匪開入省城

妙筆仍工

三折波

君與中遇之親出擊殺數人餘皆遁去

八十行將登大臺

君年七十六

七千還仗馘餘魔

時誓世孕儒武王遂征四方

異時

節仍臨浙再和花開緩緩歌

偶書所見

孟子所私淑惟孔爲獨摯是以七篇中援引非一次或

傳述其言

自始作俑者起所引凡二十餘

或記錄其事

如孔子亦獵較之類乃考

論語書此類皆不具間或有同者亦復同而異不厭與

不倦謂是答衛賜

學不厭誨人不倦然非與子貢言之不大哉

與君哉不留神禹地

論語有天下而不與兼謂舜禹又孟子冠以君哉舜也而不及禹

或論語略不如孟子備鄉原止單詞

鄉原德之賊也論語無過門入室語

鄭紫失連類

論語止惡紫惡鄭聲孟子則惡似而非者凡六句

又或論缺遺轉

賴孟補綴要殺桓魋謀

桓司馬將要而殺之不見於論語惟記桓魋其如子何一語

矚亡陽虎計

論語止言孔子時其亡也而往拜之不言陽貨先矚亡饋豚

百有餘年

後誰實從旁睨至取兩書校更有大乖盤草尙風必偃
明明孔對季謂是論喪禮未免失所謂祭葬必以禮孔
以告孟懿引作曾子言無乃昧所自吾疑孟子時固當
別有據七十子所傳人各自爲記以視齊魯論或且過
倍徒瑣瑣記遺聞如昔者孔堂堂發高議如宰我子貢
子至於論語書孟子目未寓孔孟所傳授不於此乎繫

惜經秦火燒無復存一字僅存此十篇至今配六藝常

山都尉來流傳無敢替孟子如復生驚非吾所肄後人

又纂輯始自梁武帝

有孔子正言二十卷

薛集語猶存

孔子集語二卷薛據

撰

孫集語又繼

本朝陽湖孫星衍撰

高者宋經史下亦

及傳誌盜跖篇之妄衝波傳之僞一一臚列之無乃近
於戲巍巍夫子廟春秋官致祭西人讀其書若未滿其
意何者爲微言何者爲大義不識其精深轉疑其平易
嗚乎孔氏書存者十一二秦灰不可撥孔壁無從覲何
處廣桑山使我窮其秘

西湖第一樓設余長生祿位此事倡於曹小槎監
院成於劉景韓中丞雅非余意也壬寅冬日親至
湖樓撤而去之因賦二絕播告同人

古聞樂社與于祠自顧何人豈所宜奉作鮑君石賢士
諸公戲我已多時

既非栗主又非桑難領春秋酒一觴拋入西湖最深處
好教配食水仙王

西湖禪詩

一別西湖歲屢更湖山戀我尙多情籃輿穩坐無多路
寶石美人含笑迎余不至西湖四年矣自武林門馬頭
對之欣然寶石如
美人湖諺然也

却爲登臨一愴神湖樓山館總生塵尋僧野外惟殘碣
訪友城中半古人城中故人如朱茗生丁松生譚仲修
吳季英毛棟園皆物故城外諸僧如
昭慶寺雲溪靜慈寺雪舟廣化寺悅勤
法相寺依盟龍坤洞開亮亦皆化去

欲向杭州訪舊游驚看華屋變山邱戲場袍笏年年換

看戲人爭不白頭

戊戌來此中丞則廖穀士學使則陳桂生方伯則憚菴耘廉訪則丁潛生

都轉則世振之糧道則鄭芝巖杭嘉湖道則陳養原杭州府則林迪臣今諸公皆作古人矣

歲歲湖樓酒一卮曹劉此舉竟何爲今朝親劈長生位

文正遺言我所師

西湖第一樓爲余設長生位雅非余意親往撤去之憶曾文正督兩江有

欲爲設長生祿位者公怒曰吾見必手劈之余此舉竊師其意曹謂曹小槎監院劉謂劉景韓中丞此舉兩君爲之也

懶向城中謁達官客來亦復與盤桓手扶墨竹華山杖

恕我龍鍾下拜難

余孫奉使過秦於華山得墨竹一枝攜至杭州製爲杖頗佳

粃稻新嘗雪滿匙寒天雅與火鍋宜西湖豆腐東門菜

此味何曾竟不知

杭人食粃米蘇人頗不慣余則喜食之也豆腐與菜皆常饌美品

偶將西法照衰容四坐傳觀一笑同攜得曾孫隨杖履

天然白叟與黃童

余用西法照小像一手扶筇一手攜曾孫僧寶客至每與觀之

玉佛遙從印度臨招賢寺裏共攀尋佛光照耀西湖水

何必眞身丈六金

有僧自印度募來玉佛一尊佛是坐像高逾六尺玉不甚佳乃石之似玉

者然亦偉觀也供奉招賢寺中余親往瞻禮擬爲作長歌

無端鼙鼓鬧江皋草草軍興又一遭擬向石台仙館去

山中高枕可能牢

時桐廬有草寇杭屬之新城富陽皆戒嚴

正喜湖隄葉未枯忽然飛到六花粗年來飽看雨晴月

老去翻來看雪湖

在湖樓遇大雪西湖舊有晴湖雨湖月湖雪湖之說

數年不歛石台扉山館荒涼鎖翠微今日冒寒重一至

勝如他日鶴來歸

余住湖樓六日遷於山館

籃輿安穩頗堪乘竹杖輕扶絕勝藤山客自依山內禮

官場不拜拜山僧

余此來不入城拜客中丞以下均遣一介致意而已入山次日卽至法相

寺見僧亦飛至六通寺見僧致中

碧梧翠竹尙周遭天竹經霜艷似桃更有手栽雙桂在

如今已比屋檐高

皆山中卽景也

爲憐素壁太蕭然手寫香山句一聯老自退閒非世棄

貧猶強健是天憐

余今年猥蒙教迪後進人望允孚之恩諭而詰經講席久以老病辭退

今年并歸安龍湖上海求志兩書院亦薦賢自代人或

譽余老而健者不知造物哀憐特未癯癯耳故題此聯於右台仙館香山句也

四十年前遠莫徵新安舊夢久曹騰誰知老撤談經席

尚有傳經一戴憑

休甯戴光輝字美含乃余前在新安時受業弟子也年已七十矣余久不

記憶在湖樓得其來書言之愿愿始憶及之

甲辰同譜已無多又向湘江感逝波同採芹香同折桂

不能重聽鹿鳴歌

湖南周樂字笠西余甲辰同年今春俞虞軒中丞奏請於明年癸卯科重

赴鹿鳴筵宴者也乃至六月而卒年已九十矣謂海內同年惟余一人故來赴告余感其意寄一聯輓之此君

亦於道光丙申年入泮茲進學中舉皆與余同也然則余能否待至明年亦不敢自必矣

和我新詩迴出羣鰓亭欣賞最殷殷誰知出自紅閨筆

記取詩人葉墨君

鰓亭侍郎命詰經諸生和余重宴鹿鳴詩作者八人鰓亭極賞一人之作

余來杭訪之乃葉女史筆也女史名翰仙字墨君能詩能畫且能作賦作論與王同伯比部有葭莩之誼故知

之甚詳年垂三十聞尙未許嫁

拋開手版卽袈裟一十年前王克家頭白尙書竟安在

老僧相伴有煙霞

王克家安徽通判也其兄丁丑進士刑部主事克家於光緒十八年入京

引

見兄與之書使投浙藩趙展如方伯一至湖上愛

其山水卽出家爲僧

名燈裕字定能通內典書法酷似

六朝亦奇人也至山館相見爲賦此詩

東瀛仙客忽經過一刺通名是大河間訊長岡與嘉納

岸田等輩近如何

日本駐杭領事大河平隆則至湖樓相見余所識其國人如子爵長岡護

美宏文學嘉納治五郎處士岸田國華皆問訊及之

不以衣冠累病身還愁翰墨費精神何當說與求書者

千蕙曾無一菊眞

余畏衣冠之累見客率便衣又憚筆墨之勞尋常求書者率命從孫佩代

筆千蕙叢中無一
葉范石湖句也

高論蒼生我不堪偶然抵掌亦空談惟憐赤子呱呱泣

代乞慈霖一滴甘

余此次還德清諸戚友爲言城中及新市鎮育嬰堂苦無經費余言於省

中當事者請稍增益之中丞方伯皆許可已由邑紳具稟當可有成也

何來高論太炎災民政平權總不嫌吾道悠悠竟誰寄

高明信不及沈潛

意有所謂也

朝來笑口共軒渠接到家書一紙餘嬌小曾孫初把筆

鴉塗數字不成書

家書未附曾孫曾寶數語曾寶名四歲實止三歲尙未能書或其母與其

姊摺其手爲之也

句留半月返金甌又費舟航兩日忙多謝颺輪遠來接

此情深感費龍驤

余將返蘇承浙西水陸統領費君毓卿命威靖輪船自嘉興至杭州來接

臘月剛交初九天祖孫一舸其言旋偶書聯語居然驗

認取來船卽去船

余來時舟人索吾孫書柱聯率書云祖孫一舸同來往晝夜六時大吉祥

及歸時所坐適卽此船前言竟驗

玉佛歌

如來金身一丈六三十二般妙相足化作金人入夢來
遂令人知有身毒一時象教中原開豈僅牂丹塗土木
或鼓洪鑪以銅鑄或傍名山將石鑿種種莊嚴種種殊
巧極工窮方琢玉昔在東晉義熙時爰有玉佛來京師
師子國中遠入貢瓦棺寺內羣稱奇像高四尺有六寸

竟體潔白如凝脂歷十寒暑甫能到泥輶山樛千夫疲
惜哉乃遇東昏侯斲而小之爲釵筓徒博玉奴一玩弄
遂令玉佛無留遺人間此像不復見千秋遺恨留闍黎
今歲杭州有奇事金牛湖營玉佛寺老夫好奇夙有癖
親棹扁舟訪其地古招賢寺今已荒碧柱頽廊盡殯廢
庭中不見紫陽花寺舊有紫陽花見東坡詩玉佛當門若迎睇其高
六尺猶有奇趺坐儼然垂兩臂面如滿月眉清陽妙得
拈花微笑意雖非和氏與藍田抑亦璚瑩玉之女乃揖
寺僧求其詳借問此佛來何方僧言募自印度國火輪
萬里行重洋我聞古有旃檀像所到之國其國自此佛

遠從西域至足徵 國運方靈長西湖舊有大佛頭相
傳錦纜維秦皇佛頭剝落不可辨巋然頑石留山岡天
竺山中觀世音或云移至玉河鄉天福舊刻竟安在疑
有疑無疑存亡何幸一朝得此像洵足奇蹟增錢唐曲
園居士瞻禮諡敬作長歌當短偈與其磨鍊金銅仙不
如贊歎白玉佛

長女雲裳之葬發引有期余先二日往送之適余
生日也爲賦一詩

韶昔七旬初度日出中親自送王郎
往年女壻王康侯葬象寶山余親入
山送之是日適難援舊例重臨穴已命生辰罷舉觴余
余七十生日

年生日女必歸來亦恕我未能躬視寔從今不復再登
小爲治具今則已矣
堂次女亡余不忍再過許氏今長
女亡余亦不忍再過王氏矣
憑棺欲哭還收涕相
見黃泉樂正長

有感

天寒容易日西斜坐對空齋感又加檢點窗前渾似舊
瓶中惟欠蠟梅花悼長女也女每年折其園中
蠟梅花一大枝爲余插瓶

甲辰同年今年 奏請重宴鹿鳴者余之外有江
南張君丙寅湖南周君樂在杭州聞周君亡有詩
悼之及至蘇州又聞張君亡未知尙有續 奏者
否恐海內止余一人矣爲之盡然又賦一律

已向湘江歎逝波

謂周君也

不圖今又失清河頭銜學士猶

如故

君蒙賞翰林侍讀學士銜

齒錄同年牘幾何直恐孤懸成碩果

虛煩異畝附嘉禾

甲辰附入

恩科例

問余能待明秋否等

是人閒春夢婆

件兒豆腐歌

杭州飯店件兒肉每肉一件賣錢六城中葷飯山中素

件兒豆腐出天竺汝南中丞老無事

謂許信臣前輩

時時向我

誇口福君喫件兒豆腐無壓倒山珍與海錯因將製法

詢闍黎非惟不用鹽與醬木菌竹菇均所禁但用一味

酸鹽醬丁丁董董灑取汁和之以水清無泥炯炯熱氣

出自釜就而噉者千留黎我今年老齒牙壞雖過屠門

難一快惟與腐侯最有緣爰命廚娘如所戒果然香味

兩俱佳何必肥甘方可喂配此雅宜片兒湯

和麪成片以湯煸之

佐之或許瓢兒菜

金陵所產

韜軒使者陳太邱

謂陳六舟京兆

往年

登我湖上樓八寶豆腐爲我製有此謂可無珍羞其實

鷄豚無不有聶而切之其中投入寶何如一件好自有

真味天然留曲園食單殊草草惟欣軟嚼最宜老三雅

園中豆腐乾仿而爲之亦殊妙

三雅園杭州茶肆也豆腐乾最佳余家能做爲

之鮑亭閩之發大噉齋菜孟嘗所見小請來喫我罐兒

鷄應比件兒豆腐好

罐兒山鷄內府所製也鮑亭家中能爲之曾以餉余

偶檢得舊時大字名片一紙余初入翰林所用五十年前物也爲賦一絕

君恩許復舊時官舊物居然今尙完五十年前名紙在湯盤禹鼎與同看

余用西法照印小像二一立像余布衣右扶藤杖左攜曾孫僧寶一坐像孫陞雲及僧寶左右侍祖孫皆貂褂朝珠僧寶亦衣冠把玩之次率賦一詩
衰翁八十雪盈頭多事還將幻相留杜老布衣原本色謫仙宮錦亦風流孫曾隨侍成家慶朝野傳觀到海陬
余以立像寄京師肅親王及日本子爵長岡護美均報其以照像贈也又分貽家鄉戚友欲爲影堂

存一紙寫真更與畫工謀

照像不甚耐久擬更倩畫工摹寫備他日影堂之用

次惲季文韻卽慰其意

如此清門如此才天公有意爲滋培莫因瑣屑家庭事
不放英雄懷抱開慈蔭欣看堂上永循聲會聽膝前來
謂王臣同馬 園林試訪梅消息不日春回斗柄魁

歸安縣菱湖鎮有龍湖書院余主其講席三十三年
今年以老病告退菱湖諸君子欲於院中爲余立長生位
蓋未知余有西湖撤位之事也賦此辭之

西湖甫撤長生位茗水仍留已去思人望允孚雖有驗

余今年奉有人望允孚恩諭經神忝竊總非宜巫陽幸未來宣召畏壘何煩遽立戶縱使大蘇忙不徹且容身後再謀之

前詩索皕亭和皕亭以第三韻爲難戲疊原韻

徒勞一瓣馨香奉豈慰三秋蕭艾思主用栗桑皆不可

祭陳荔蓼或相宜

宋太學生歲終祀神必用棗子荔枝蓼花三物取早離了之意余辭退講

席則亦荔蓼矣倘教彌勒龕常據何若皋比位再戶只博香山

老居士拈將險韻戲微之

日本人野口一字貫齋知余明年重宴鹿鳴賦詩

寄賀異邦人亦知此舉之榮是可喜也次韻酬之

白綾詩一紙紅映晚來霞

詩以白綾寫之寄到適薄暮

急向窗前看

摩娑兩眼花

回首六十年故交遼海鶴

余甲辰同年無一人矣

碩果幸而存經

霜猶未落

但享清貧樂甘爲寂寞人石帆山下客八十有三春

余

年八十三矣放翁詩云石帆山下白頭人八十三回見草春自愛安閑忘寂寞天將強健報清貧詩全用其意待坐月邊舟重探天上秋嫦娥如見問舊事記吾猶君已過元宵吾儕方餞歲

君寄此詩在癸卯正月人日余接此詩在壬寅十二月二

十五日於日本則遙望海東天白雲竟安在爲正月二十三矣

小除夕忽有人踵吾門持洋泉十三售余全書一

部而去者此事不足異在今日則可異也賦詩紀

之

西株東味滿乾坤吾道悠悠孰與論經術文章總塵土
山厓屋壁付兒孫誰知輟業方投筆忽有懷金來叩門
付與時人莫輕覩殫心著述詔書存余今年奉有殫
心著述恩諭
敬刻卷端
以志榮幸

除夕口占

餞歲辭年又一遭不辭團坐共兒曹
位叨子婦孫曾上壽比韓蘇李杜高
詩卷安排新草稿酒痕濡染舊綈袍
麥邱故老今誰是八十三翁亦自豪
余明年八十三矣
新序云麥邱封人
年八十三